

四庫全書存目叢書編纂委員會編

齊魯書社

四庫全書存目叢書

史部
第二二五冊

責任編輯：孫言誠 賀 偉

ISBN 7-5333-0535-3



四庫全書存目叢書·史部二二五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第二二五冊目次

史部·地理類

太湖備考十六卷首一卷附湖程紀略一卷

〔清〕金友理撰 附 吳曾撰
中國人民大學圖書館藏清乾隆十五年藝蘭園刻本 一

蕭山水利二卷續刻一卷三刻三卷附蕭山諸湖水利一卷

〔明〕富珏撰 續刻三刻〔清〕張文瑞輯 附〔明〕賈應璧撰
浙江圖書館藏清康熙五十七年雍正十三年孝友堂刻本 二七六

治河前策二卷後策二卷

〔清〕馮祚泰撰
中國科學院圖書館藏清鈔本 三五二

介石堂水鑑六卷

〔清〕郭起元撰 蔡寅斗評
湖北省圖書館藏清刻本 四八〇

東南防守利便三卷

〔宋〕陳克 吳若撰 呂祉輯
湖北省圖書館藏明崇禎刻芝園祕錄本 五五四

修攘通考六卷

〔明〕何鏜輯
北京師範大學圖書館藏明萬曆六年自刻本 六二二

太湖備考十六卷首一卷附

湖程紀略一卷

〔清〕金友理撰 附 吳曾撰

中國人民大學圖書館藏清乾隆十五

年藝蘭圖刻本

附《四庫全書總目·太湖備考

十六卷》提要

太湖備考序



今天下車書一統疆域之廣極
於無外海內又安大化綏洽超
越前古是以若省若府若縣莫
不纂修志乘以昭其盛太湖雖
蕞爾一隅亦

聖天子聲教漸被之區也曷可以無

序

一

志、太湖者明代有蔡氏王氏
二書皆為善本顧文章不朽而
事蹟日新今之太湖異於昔之
太湖矣康熙三十二年己卯夏
卷逢

聖祖仁皇帝翠華臨幸駐蹕東山與抗

之西湖常之惠山我郡之南邱

鄧尉靈巖並序

恩寵震澤底定以來數千百年每此
連逢也而又

廟謨周摯念切民艱慮太湖有奸匪

竊發為地方患設湖管以防御未

之慮太湖之水政不脩為農田

憂移府佐以督理之且慮太湖

中風濤不測山民之輸將於縣

者舟行險阻

命太湖廳就近徵收之以愛民之心

行愛民之政而湖山遂多典故

茲與郡邑埒於則志太湖于今

日可不於所當務者加之意哉

金子玉相敏而好學者卓識遠

學論古法之發予所未發為舉

業又俊偉可喜太湖備考一書

其居憂輟業時所作不曰志而

曰考嫻占郡邑固亦以示所輯

未必盡覈駟以備後來之考訂

強詞也橐既成是正於予之觀

其於太湖之窮源竟委而知其

見之遠於治湖水口太湖諸山

之驗通塞計遠近別險夷而知

其智之周於兵防之備錄奏議

田賦之詳核地畝而知其憲之

長于博會之古蹟淫昏之祠廟

與夫一切仙鬼荒誕之說削而

弗錄而知其志之正紀載不越

湖山而經濟可通於天下以視
憊於一林一壑而詳述古制
名國之興廢博收朝風異月之
篇章以為補蔡王之未逮者其
所識之小大為何如也金子具
此學識年富力強其成就正未
可量他日出為世用於國計民

序

四

生諸大端煥發度勢與時宜之
以仰佐

朝廷郵隆之治予於是書卜之矣予
雖老朽庶幾見之爰筆諸卷端
以為壽乾隆庚午孟夏某庭吳

曾撰



太湖備考

余從學於萊庭吳先生之門二十有餘年
先生於經濟之學無所不諳而尤究心於
水利故文課之暇凡黃運江淮以及太湖
淞婁之有關國計民生者時得聞其論說
余心悅之每退而誌焉既閱王文恪之震
澤編翁季霖之具區志竊謂夫人著記載
山水之書六期於有寔用也為遊覽者指
示其名勝特餘事耳何文恪所編若僅為
遊覽者設而季霖所志名及經濟終鮮寔
用又不如王編之記勝文子厚之足觀
也自是余遂舍置而弗論會乾隆乙丑江
浙兩大中丞皆以相視太湖節鉞先後臨
止登莫釐縹緲二峯而望湖廣數百里湖
之中大小山以什計湖之外三州十邑環
如帶如此全湖之大局也而此環如帶如
間之溪瀆漫港為三州十邑眾流之往來

人舟之出入道途險易之所由農田旱潦之所關太湖扼塞於是乎在尤為任封疆者經畫所宜及中丞之登望倘亦因前人記載多述湖中之名勝而湖外之要領無一語道及思欲居中四眺以得太湖周遭之大勢耶而惜乎書缺有間無足以取證也爰請於先生曰自太湖有專書而湖山之名勝人鮮不傳之亦自太湖之名勝人

太湖備考

二

傳之而湖山之扼塞人鮮能知之先生曷不取王編翁志訂其沿訛增補其闕畧俾留意太湖者有所採擇乎先生曰是誠經世之學有實用之書也第予方集黃運淮說不暇以為子善為之予樂觀厥成焉於是東裝裹糧徧歷湖山之間而湖外之溪瀆淩港雖遠必至一一究其源委險夷又復考古證今務欲詳其事而得其寔狀後

以次纂輯共為卷一十有七為類三十名之曰太湖備考噫余能少知記載山水書之本末輕重所為庶不盡蹈前人之轍或可為後來相視太湖者啓窾要之萬一而跋涉高深者亦可周知湖山之勝事故之寔此由幸得久從先生遊數聞先生之教而狀也復回憶餐風宿雨於山巔水湄間繪圖削稿於僧房客館中幾經寒暑而得為太湖一表形勝之全則又不獨余之幸而亦湖山之幸也夫庚午新秋金友理識

太湖備考

三



序

語云千聞不如一見太湖四境遼闊歷三州十邑七百里之地人罕有徧履之者山水之支分條析原委脉絡徒恃郡邑志紙上陳言以為徵信不知古今異宜且傳聞耳食適足以滋疑而貽誤今萊庭吳君與其高弟金子玉相乃能不憚跋涉水陸兼訪得之目擊洞若觀火因筆之於書為湖程紀略一卷間以示余余讀之愛玩不忍釋手惜前之未春糧以從行也是書出有民社之責者采而行之水道之通塞濬洩得其要領則民田之早潦有備無虞矣此有用之言為益於三州十邑之人

湖程紀略序

不淺豈同於好事者之登高陟遐以遊目騁懷而已哉萊庭博極羣書玉相留心經世之學皆余素所心折華君振飛繪圖山水能羅列三萬六千頃於尺幅之間無毫釐之失亦絕人之藝也爰牽連以為序同學教弟梅齋邱廣熙拜書

太湖備考凡例

一太湖古無專書有之自蔡景東太湖志始繼之以王守谿震澤編又繼之以翁季霖具區志太湖之名勝於是大備第其所紀載皆詳於湖中而不及湖外之境地無他所重者名勝也太湖有名勝亦有經濟水利兵防要當合湖內湖外之形勢以善其施詳於內而遺其外失全局矣是書如太湖之水源水委沿湖水口濱湖諸山沿湖汎地詳考都在湖外非欲與前人立異補其所未備焉爾

太湖備考凡例

卷八

一昔人以宜興之百瀆蘇湖之漚港為太湖來源吳江之長橋鮎魚口等處為太湖去委固已顧入湖諸瀆漚港有向通而今塞者所當詳也漚港承受荆溪茗雲之水其來路又各有河港或遠或近或分或合不可混也來源如此去委亦然非履地細核徒以舊志為據不能無誤爰乃泛舟於湖沿三府十邑之境一一訪求既履其地復參以書挨次編記敢曰必無訛漏哉盡吾心焉而已

一太湖水利古人之論說備矣然時分今昔水有變遷執古法以治今水未善也是書所載惟取其說之宜於今者其他雖有名言不敢錄入以滋人惑

卽有節錄如郊單二書亦必於時地不同之處一加以註論

太湖諸山自古無兵革之患故自古不設兵防宋元祐間始設巡檢元明因之明季長興山寇入湖剽掠又添總練我朝奮揚武備思患預防特設太湖營統以大員控扼全湖凡湖中居民之山及沿湖緊要港口在在設汛分防詳考而備列之以彰

聖天子設兵衛民之至意

一具區志所載諸山田賦其數本諸徵賦齒冊不知太湖傳考凡例

齒冊惟憑人戶歲有推收數無一定未足爲準近太湖廳清造東西兩山版齒冊田地山蕩盡落本齒瞭如指掌任土起則照則科糧宜若可爲山中田賦定額故備錄之仍錄王編翁志所載舊額於前以備參核馬蹟山隔屬常州無冊可稽震澤編闕疑弗載今仍其闕

一山中居民之地有曰灣曰塢曰村曰巷之不同具區志以灣塢與峰嶺類序以村巷與鄉里類序遂若灣塢概無居民與村巷迥別豈不令閱者生疑茲以有居民之灣塢村巷合爲一類領以地名二

字分載於所屬都齒之後若網之在綱如畛之有域民居皆有着落一目了然矣

一選舉自科甲以至貢士悉照郡邑志編次其科甲之由本籍中式者則止註府學縣學不書府縣名由外籍中式者則註某府某縣學自山外徙世未遠者照舊志例亦並收入而註某府某縣籍以別之若徙外已久及外籍之僑寓於山者雖有巍科不敢援以爲重其本籍貢士之捐納者亦皆弗載寧嚴毋濫觀者諒之

一人物列傳悉以正史及郡邑志與夫王編翁志爲

某本所用止一書則註曰本某書用一書而衆以他書則註曰本某書參某書若舊無紀載今茲增入以狀誌譜傳爲据者則註曰本某文某譜雖間爲節略總不敢別加月旦

一節烈倫常所重風化攸關朝廷所以有旌典也顧澤畔幽芳上達者鮮若不廣加採錄將至湮沒無傳其何以慰茲茶茗樹之風聲乎于此頗費搜羅

一東西兩山節婦之事實歲年悉照節烈祠冊錄入其有主未入祠及續入祠而冊未載者則訪之本

家務得其真馬蹟山之節烈曾托雁門灣一友採訪尚未郵到故所載頗少當俟補刻

一宜興志圖考編次百瀆南北易位錯亂無序震澤志上十二港與吳江舊志名稱互異今履地核之七十二港震志爲是從之而於宜荆之百瀆則爲之釐正焉

一是書於具區志訛謬處如衡山獨山諸條多所駁正非敢攻前人也志書貴乎徵信誠恐弗辨或致貽悞後人耳

一集詩之例已見小序第古今題咏名作如林卽合

天湖傳考九例

四

例者亦美不勝收故於王編翁志所已載人所習見者不再錄入另集古今人詩二百五十餘首要以新閱者之目而增湖山之色非與前人之賞識有異同也

一人物列傳外凡各類中援引羣籍亦悉標註其人其書之名蓋據之以傳信且使覽者或有所疑可檢取以覆核也第憾藏書甚少購假亦不可多得無由徧觀博採難免遺漏

一各類之中間有卮言以抒管見或書於各條之後或註於本條之下皆加按字亦有未及加者其宜

之有當與否望世之君子是正之

天湖傳考九例

五

太湖備考目錄	序	師資姓氏	引用書籍	凡例	卷首	巡幸	圖說	卷一	太湖	卷二	沿湖水口	濱湖山	卷三	水治	水議	卷四	兵防	湖防論說	記兵
--------	---	------	------	----	----	----	----	----	----	----	------	-----	----	----	----	----	----	------	----

職官	湖中山	泉	港瀆	都畝	田賦	卷六	坊表	祠廟	寺觀	古蹟	物產	卷七	選舉	鄉飲	卷八	人物	卷九
衙署 倉廩 教場			橋梁	地名						第宅園亭 塚墓		進士 舉人 貢士 薦舉 議叙 武科 武職 例仕					

列女
卷十
集詩
卷十一
集詩
卷十二
集文
卷十三
集文
卷十四
書目
災異
卷十五
補遺
卷十六
雜記
附
湖程紀略
吳門李又韓子永瑞店鐫

太湖備考
師資姓氏
吳萊庭 名 曾 字 魯傳 東山
理 吳業師也集中水道源委及註釋論按之當增
損改易者皆師所口授
徐洄溪 名 大椿 字 靈胎 震澤
江震新志先生分修水利最為詳善集中所採兩
志水道諸說造門就正焉
吳半園 名 莊 字 友篁 武山
蘇州府新志先生分任採訪嘗以圖繪湖山徧遊
太湖備考
太湖問途於已經惟先生實啓發之
邱悔齋 名 賡熙 字 南懷 東山
理 表叔也博學知名而善獎勉後進茲集自初稿
以至脫稿無不寓目
華雨峰 名 鵬 字 振飛 滄洋山 庫姓朱
先生工文而善畫凡尋山問水出必與偕以繪湖
山之面目故集中之圖方位頗準
蔡雨亭 名 琦 字 宏望 西山
西山節孝皆先生採訪
友理謹識

太湖備考	尚書禹貢	爾雅	春秋左傳	吳越春秋	史記	史記索隱	三國志	晉書	唐書	元史	洪武實錄	桑欽水經	元和郡國志	山水記	周處陽羨風土記	張勃吳錄	顧夷吳地記	浙江通志
引用書籍																		
太湖備考	尚書	爾雅翼	孔氏書傳	越絕書	史記正義	資治通鑑	南史	隋書	宋史	明史	山海經	酈道元水經注	十道記	太平寰宇記	虞翻川漬記	賀循會稽記	江南通志	李宗謬蘇州圖經

朱長文圖經續記	吳郡志
盧熊蘇州府志	姑蘇志
蘇州府志	吳縣志
長洲縣志	吳江縣志
震澤縣志	常州府志
武進縣志	無錫縣志
宜興縣志	談鑰吳興志
湖州府志	烏程縣志
長興縣志	溧水縣志
寧國縣志	金壇縣志
建平縣志	臨安志
婁地記	沈啓吳江水考
太湖志	震澤編
洞庭記	洞庭實錄
林屋記遺	續震澤編
具區志	錢孝馬蹟山志
范文正公水利書	單諤水利別畫
郊廛治田奏議	郊僑水利書
朱存理水利志	歸震川水利錄
唐鶴徵河渠說	林文沛治水事宜

川大詒水利節畧	曹允儒水利續議
金甯鳳河渠說	吳中水利全書
程大昌修湖濶記	馬汝璋水利圖冊序
石柱記箋	童國泰水利條議
於越新編	徑山山門事狀
鄭若曾江南經畧	籌海圖編
本草綱目	風俗通
文獻通考	玄中記
博物志	洞冥記
崔豹古今注	世說新語
天淵傳考	引用書籍 三
陸龜蒙笠澤叢書	六葉雜記
王明清揮塵錄	胡舜申己酉錄
王安貧武陵記	西吳里語
龔明之中吳紀聞	陸輔之吳中舊事
湧幢小品	金陵瑣事
陳仁錫蘇志備遺	劉鳳續吳錄
杜瓊耕餘錄	紀善錄
田家五行	葉石君詩紀
讀上編	客座新聞
石琳避暑錄	吳興掌故集

峨眉槍譜序	說鈴
明會典	大清會典
楚辭	藝文類聚
吳郡文粹續集	白香山年譜
昭明文選註	七十二峯足徵集
馬蹟山文獻考	白香山集
杜工部集	蘇東坡集
陸放翁集	范石湖集
劉青田集	王文恪集
楊升菴集	王介州集
天淵傳考	引用書籍 四
錢牧齋集	吳梅村集
三魚堂集	鈍翁類稿
遂初堂稿	已畦集
曝書亭集	紅豆齋集
雲川閣集	張南華集
沈歸愚集	吳中殷氏家譜
吳中葉氏族譜	延陵世譜
古柏吳氏族譜	橘社金氏族譜

太湖備考卷首

巡幸

自古王者省方無非事者而一遊一豫又皆有恩惠以及民數典而誦夏諺慨乎有餘慕焉我

朝康熙三十八年恭逢

聖祖仁皇帝南巡淮甸閱視河工遂歷江浙諮諏水利

太湖亦蒙

臨幸駐蹕東山

恩蠲菱湖坍荒糧額湖山承寵童叟騰歡誠千古未有之遭逢也謹志

太湖備考卷首

巡幸

巡幸以冠卷端

康熙三十八年四月初四日

上幸太湖準吳縣百姓奏水東地方產去糧存

上問扈駕守備牛斗太湖幅員廣狹對周迴八百五里

上云為何具區志上止五百里對積年風浪衝坍堤岸

故今有八百餘里

上問去了許多地方官何不奏聞開除對非但水東

一處卽如烏程之胡瀾長興之白茅葑宜興之東

塘武進之新村無錫之沙灣長洲之貢湖吳江之

七里港處處有之

上云朕不到江南民間疾苦焉得知道石柱記箋

康熙三十八年

聖駕南巡駐蹕蘇州四月初三日起更時傳

旨明日往東山初四日已刻出胥口下太湖行十餘里

漁人獻饌魚銀魚叫漁人撒網又親自下網獲大

魚二尾

皇上大悅命賞漁人元寶撫院同按察使先到山少頃

有獨木船二隻撥漿前行

御舟到岬而隨從之漁臺船隻未到宋撫院備大竹山

轎伺候啓奏過

太湖備考卷首

巡幸

皇上升輿云倒也輕巧時有耆老百姓三百餘人執香

迎接又有比丘尼跪而奏樂

皇上云可惜

太后沒有來賞他元寶其時提督張撫院宋侍衛二十

餘人翠峰寺僧超揆步行轎前先驅引路者倪巡

檢陳千總也

駕幸席啓寓東園

皇上問席何官職奏云工部虞衡司主事

皇上問為何不做官奏云告養親在家進茶進百家磨

詩四套蘭花二缸

皇上問超撥你住處在那裏奏云此去還有三里路
皇上云不去罷即

命起

駕乘馬而行分付侍衛喚百姓們看又分付眾百姓不

要踴躍田中麥子其時菜子已結實成角

皇上命取一枝細看問宋撫院何用對云打油又分付
賞老人元寶登舟喚超撥站船頭上開船到余山

面上有水東百姓告菱湖蕭埭田賠糧收紙付宋

撫院辦理是日更深到城明日

駕幸浙江

山民吳廷顯奏紀

卷一

太湖圖說

太湖形勢既合湖之内外而考之則必合湖之內
外以繪之使圖足以輔書而形勢益明惟是限於
尺幅非獨湖外之境地不能及遠即沿湖之水口
亦不能悉載故自來繪太湖圖者止摹寫其大畧
而已今為總圖以定其規模復為分圖以徹其內
外雖瓜分而豆剖實壁合而珠聯共得圖一十有
一每圖之後各系以說工閱五旬稿凡數易雖未
能纖悉盡合而大勢已得其真為行旅者循途而
往可以作指南考地利者執筆而籌可以代聚米

太湖備考卷首

圖說

倘亦不無小補云

太湖全圖說

無錫縣沿湖水口圖說

陽湖縣沿湖水口圖說

宜興縣沿湖水口圖說

荆溪縣沿湖水口圖說

長興縣沿湖水口圖說

烏程縣沿湖水口圖說

震澤縣沿湖水口圖說

吳江縣沿湖水口圖說

吳縣沿湖水口圖說
長洲縣沿湖水口圖說

